


幼科鐵鏡

下



幼科鑒鏡卷下

貴池卓溪夏鼎禹鑄氏手著

男邑庠之日孟然

受業弟邑庠鐸禹鑄氏

男郡庠之雲飛霖

麻症

夏禹鑄曰痘出於臟麻出於腑麻乃大腸主之毒氣蒸肺故發咳嗽先輩書未嘗齒及麻症蓋以其輕而忽之也却不知表症難輕毒侵肺腑亦多與鬼為隣余經歷甚眾費手居多因不惜筆力詳著於篇以杜嬰兒麻症之患流行麻症其候燒熱必發咳嗽聲必稍啞面皮微有麻樣兩腮顏色微紅此吉兆也如出發不映及不透發或紅點見面偶扶風邪而隱或醫人不知誤除燒熱隱而不出腫內作痛治之神莫神於天保宋微湯聖莫聖於天保宋微湯只須一服即發出或有不盡發者再加一服從末有不效者如肺臟先虛又加大腸毒氣攻肺面皮像燒薄有的式子慘白浮浮光光溜溜便是肺氣已絕在精威二穴對拿其聲不出必是死症染之無濟有麻方見點隨即收入或瀉青水審非風寒為害唇色慘白口氣微微此乃內虛不能送赤不可分利且瀉惟用八珍湯以托之外用蔥半斤許白酒煎通身擦之如再不透發只額上稍見些微惟用六君子湯充循循調治自愈

有麻初發熱時心火盛極刑剋肺金至麻不出必先期用黃連木通等分服之再用防風荆芥葛根升麻南星枳殼赤芍桑皮柴胡桔梗甘草

服之即發

有痢疾兼麻症若麻見點急用香茹桔梗枳殼黃連厚朴木通升麻赤芍車前

煎服麻瘡透發再治痢疾此秉輕從重之法不可不知 本邑陶二公泮玉之子麻症發熱方

兩日醫人誤為除熱麻伏不出形狀似驚差役請余治而色花雜喘急不嗽必有內毒於太陽

穴以口涎搽之皮內隱有紅點知是麻毒內攻無燒不出用天保采薇湯倍加升麻乾葛一服

額上見點色不紅起面色唇口慘淡無澤知為內虛即用固真湯一服通身發熱陶公驚飾余

曰麻非帶熱不出仍服天保采薇湯一劑通體透發愈此見面色花雜便知內毒之一驗也

培經樓同學庠友方恒綏一子麻症隱而不出形症甚凶邀余治見其面色慘白口氣微冷唇

舌淡白大便泄瀉即用八珍湯一服額稍見點恒綏因姪前麻症殞於泄瀉力迫止瀉余曰分

利更虛不無見口吻問覺以瀉關性命勉強用五苓散果止而額上紅點即隱又用十全大補

湯內托外用葱酒蒸引卒不透發余值事往郡躡後札示皮上每發一泡破即成黑屈附他醫

攻毒方單余札復曰肌肉脾屬破即成窟乃脾虛之極何可攻毒惟用六君子湯顧脾為主果

然見效此乃望色審竅萬無一失分利虛脾即此可見之一驗也 思誠堂同學友措大方

薪衍第五即患麻症初醫者不知麻候用六一散以除燒熱邀余過治見其舌純紫兩唇燥裂

大小二便皆秘聲嘶不已即用黃連八分木通黃柏各一錢服下大便刮白如冷痢然在座者

曰吻覺為涼劑所致余亦躊躇滿志豈臟腑茵竅此症獨不相符毫不首鼠問前醫退熱所用

何劑薪衍曰六一散余便恍覺下元為六一寒冷所滯致火不降灼無疑矣隨以炒鹽久熨臍

下仍用前味黃連倍加服之方下大便燥結與黑棗無異可見苗竅辨真治之定然不爽之一
驗也 一辨傷寒附寒極似熱小兒之十指俱冷以三指按額俱熱身壯熱面赤而淡不動

必掣此傷寒之症也表散法開天門分陰陽推三關體厚則重發其汗揉太陽升外勞宮運八
卦推艮入坎症輕推之自愈重則用元膏火定之體弱隨發汗隨止女反是治用苦蘇飲十
服之 有寒極似熱者面色紅如水紅桃花口渴而唇不乾燥舌不紅紫大便青色小便青

長此寒極也似熱者因面有紅色口有渴形故也治之與前法同 如口作渴大便秘小便

赤是內有熱而外傷寒也宜先表外面後清裏為主表用苦蘇飲十土裏用白茯苓夏陳皮連
翹木通枳壳甘草煎服 本部田三公祖之公孫方二歲抱風寒燒熱症郡醫見燒熱驚悸

便作驚症治數日不愈余以三指按額俱熱見十指俱冷用苦蘇飲一劑留飲席未解內小童

報曰小相公熱退矣此熱有表裏不可不辨之一驗也 余於癸丑科會試盛京有鑾儀衛

正堂許公乃孫方歲半患傷寒症初延太醫院幼科失表後於朝房內余同里員外郎陳是菴

道及於予即日來貴池館親邀往治但見身冷如水痕毛差面色慘晦不知人事知寒邪內

伏用天保采薇湯一劑囑曰夜發熱則明日來治否則莫可如何矣夜果發熱仍用前湯一劑

熱又解許曰發熱退熱藥同效異真出奇也余曰尋常症在表感一劑便解如令公孫邪被藥

誤伏內昨一劑攻邪邪到肌表表見邪自是作熱仍以原方加追一劑表解熱除無甚奇也許

曰前是菴脩道年翁乃幼科白眉今若此洵名下無虛以百金壽余辭曰晚兩代治救嬰兒從

不受謝一文再四面壁更欲題請入太醫院又辭曰老母在堂晚在都門白云頻望承盛意

心領之可矣許乃止此關門殺賊之一徵也方伯張存儒先生有公郎抱驚風患初郡中

醫作夾食用消導劑症加甚後余用半夏四錢生姜一錢防風二錢一服即愈遂拜余為假父

此藥用當而通神之一驗也余邑張中尊媛患病邑中醫會治十餘天不愈會余到邑中

尊得聞接余治婢方抱出去座五六步外望見面上光光浮浮毫無寶色余曰不須抱近請回

中尊問症若何余曰肺氣已絕不可治矣明日果死此望色而知為死症之一驗也

一辨夾食傷寒小兒十指俱熱我按兒指兒額二指俱冷其候身熱或吐或瀉或不吐瀉

口必惡食而腹必浮脈按而鼓聲或作痛是也推法聞天門分陰陽男女同男重揉太陽發汗

體弱太陰止之女反是推上三關二十退臍六七下運八卦重揉艮宮於大指面旋推補脾曲

兒小指重揉外勞於第二指太陽位側推到虎口以止瀉不瀉不推重按中指一節以止吐

不吐不揉於左腳湧泉穴左轉揉之止瀉不瀉不揉少頃右轉揉之止吐不吐不揉則右轉右

揉止瀉左轉左揉止吐推畢即用燈火臍輪四焦胸口一焦用水酒曲一枚火煨黃色研末白

湯送下即愈重則用治導二陳湯牛乳加柴胡紫蘇等味煎服

吐燒熱微掣吐輕熱重余子壻方平壻初業斯道投天保采薇湯一劑不效邀余一見知為內

傷飲食外挾風邪用霍香正氣丸散一服即愈余以湯名曰天保采薇取其治外治內之意用

之不當雖多奚為在余壻以為症屬內傷外感湯屬內外並治樞兒不為非是然不知症似社

鼠城狐重症何可輕發此學者之所宜知而宜慎也

一辨腹痛 腹痛臍以上屬火臍以

下屬寒其因不一有寒痛熱痛傷食痛積滯痛氣不和而痛脾虛而痛肝木乘脾而痛蛔動而痛數種寒痛面白口氣冷大便青色小便清利痛之來也遷緩而不速疾綿綿不已痛時以熱

一按之其痛稍止肚皮冰冷是也推法曲兒小指重揉外勞宮推上三關揉臍五十藥用泥姜

肉桂等分煎熟如木香磨水人服之自愈 熱痛則面赤口氣熱口渴唇紅大便秘小便赤

時痛時止痛來迅厲腹形如常不腫不能彈之不响以熱手按之其痛愈甚肚皮滾熱此真熱也推用下六腑水底撈月蓋熱痛主心脾兩熱用燈心車前伏龍肝如木香磨水稍許入服

傷食痛者必惡食眼胞必浮痛或瀉下酸臭腹必飽脹彈如鼓聲或身作熱是也如氣不旺者不宜取瀉只用消導二陳湯干九 積滯痛者今日傷明日傷逐日傷之而滯於脾胃間不

以飲食碍其傷不痛既有擇而後以乳食傷碍故痛也面色黃噯氣酸大便酸臭仰後痛減足冷嗜卧不思飲食是也治宜枳壳枳榔木香下也下後即以小異攻散中六補之 氣不和

而痛者兒下地後父母多恐兒臍受風以裏肚束臍過緊不知兒體漸長束縛未鬆則上氣不逼下氣以致內氣不和故作痛也審其非寒非熱問其母而臍果有束縛之弊則氣不和之痛

必矣治以木香磨水服之隨用燈火臍輪一焦臍下氣海一焦心口窩一焦其痛即止大兒之

氣不和者其候眼胞不腫面色不黃飲食如故腹腫擊之如鼓聲推其頭面噯氣是也宜用木

香陳皮枳壳甘草服之

脾虛痛者其候面無血氣微黃帶微白大便少面色白治以積脾

胃開為主用六君子湯亮加橘皮

肝木乘脾痛者肝木剋皮脾虛不勝其剋則肝氣無所

洩故乘脾之衰而作痛也其候唇白口中色淡面多青色痛則腹連兩脇重按其腹則痛非起

手又痛是也治用四君子湯二土加柴胡白芍

頃又痛或一時或二時而止或歇半日又痛面黃唇白此蛔痛也治用使君子去壳火煨吃十

餘粒少頃又吃即止以上嬰兒腹痛口不能言何以知之蓋兒痛必哭無故而哭者痛也哭聲

雄慘而雙眉蹙蹙是也如使君子食之不妙於苦練子樹根皮約一二兩許水煎一茶盞吃下

虫即盡出但弱體者不可輕服

又有一種奇痛一痛只大叫幾聲痛腮痛即抱胸暈死余

家有一婢犯此症先君在日余見將婢面撲地用冷水一盆以婢膝着於水上於委中穴澆水

狠相粗筋腫起用銀針傍筋打入二針針出血流叫一聲痛即醒隨用冷水滾水各半連吃一

二碗立愈記先君曰此急砂也與轉筋大差似如平常復痛從未有一痛而即死者急沙之辨

緊記在此

夏禹鑄曰常規內經有曰胃虛則吐胃熱則嘔固是此說殊屬大謬何也余屢

屢見吐吐固有虛常亦有熱嘔雖是熱却亦有寒此余匪非議前人蓋見之多而治之效也二

症各有虛熱不可拘執惟望面色唇舌之間紅則熱而淡則虛斷無有悞至於瀉泄出少而緩

曰泄出多而勢急曰瀉泄則症輕瀉則症重惟以所瀉之色驗之治無不效

一吐 胃虛

發吐其候面白神疲不熱不渴口氣溫而帶微冷額前微汗治宜助胃薑二十二 胃熱發

吐面赤唇紅煩渴溺赤口氣蒸手宜用熱石膏七分八分研細末神茶送下 胃氣不和發吐

其候惡食此由積滯在胃復為食傷搖兒之頭便噯氣治用水酒曲一枚火煨黃色研細白湯調下用枳壳木香陳皮半夏香附服之

有長夏外感暑氣而作嘔吐者宜六和湯二十

和飲下即愈 有內傷飲食外感風邪而吐者身熱眼燒疲倦治用藿香正氣散七土

有傷風嘔吐者治用清金飲五八 一瀉 夏禹鑄曰吐從面色辨之不夾瀉更宜辨所瀉

之色暴領下始屬火水液澄清屬寒老黃色屬心脾肺實熱宜清淡黃色屬虛熱宜補青色示

屬寒宜溫淡白色屬脾虛宜補醬色屬溫氣宜蒼木燥濕醜臭屬傷食宜導消二陳湯中九

脾虛作瀉瀉下白色或谷食不化或水液澄清其候面白神疲唇口慘淡古白口氣溫冷治宜

理中湯五石附子或六君子湯九 脾熱作瀉瀉時暴注下迫便黃溺赤口氣蒸手煩渴少

食治宜五苓散中九加山梔仁 有氣虛下陷瀉者宜補中益氣湯其候與脾虛差同

有傷食兼滯瀉者其候噯氣吞酸脹滿一痛則瀉一瀉痛減治宜用大腹皮神曲麥芽山查

白朮木香枳榔如食已消痛已止而瀉不止者乃脾失清升之氣宜補中益氣湯二七若食消

而腹猶痛乃脾痛也宜小異攻散中六 有肝瀉者瀉青稠粘乃肝木乘脾治宜麥冬桔梗

白朮白茯苓人參木香酸棗仁甘草 先瀉數日已止又瀉隨發驚此症多不可治益瀉而又

瀉脾敗之極加之外邪由肺剋肝肝又動風剋脾脾敗將絕不受肝剋故肝風烈極毫無泄處

如祛風解熱元氣將盡將謂療驚不能救脾將謂救脾驚不能止無法可治

一吐瀉

夏禹鑄曰

內經有曰胃虛則吐脾虛作瀉胃脾俱虛吐瀉兼作此言亦謬若先泄後

吐面白神疲不熱不渴額有微汗乃脾胃虛寒也宜理中湯五或小異攻散十六或六君子湯

死若先吐後瀉面赤唇燥煩濕溺赤乃脾胃有熱也治宜五苓散十八加竹茹煎服又有積弱

在脾不能運化水谷而吐瀉者宜用消導二陳湯中九有長夏夾暑吐瀉者宜用六和湯三

余髫年硯席友陳公載嫂患吐症適余抱風寒因延大方脉用溫胃劑吐亦甚帶疾往視口唇

紅麗出氣蒸手舌色紅燥用熟石膏一錢研碎神茶一碗送下稍止隨加一錢立愈在夫人苗

竅尚驗况嬰兒乎後又患吐色竅俱同仍用石膏却不甚應揣之下元或有寒氣用炒鹽熨腹

仍服石膏即愈可見苗竅顏色從不一悞余於歲癸丑北上到會館湊陳是菴幼郎脾瀉

將慢付余治問曰曾服參否是菴曰如服一分使爬了上壁余心以為南北性豈有異轉思初

到都門恐孟浪采消以六君子湯去人參連服二劑了無一效復接別醫良久一醫擁輿至

館去後余請所發劑視之劑屬消導因問彼何人斯是菴曰此名震京都之鄭小見斗也余

曰久瀉將慢何可再用消導之藥用之命不可知矣乃止余便不以是菴之言為正硬用六

君子湯倍加人參且外加附子五分兩服即愈是菴歎曰素聞妙手今果然矣此辨色審竅勿

以人言為信之一驗也一辨痢疾夏禹鑄曰吁溪云痢無止法以通利為主此言亦不

盡然何也痢疾有寒有熱白者虛寒也紅者實熱也治宜調脾為主初染三日間身壯熱膿血

稠粘裏急後重腹痛者宜用承氣湯二五以下之或用木香檳榔丸二六若虛怯黃不可下病

久身涼自汗宜用補中益氣湯二七挾熱而痢純血宜用四順清涼飲二八或黃連芍藥湯干
七挾冷而痢純白或乳食不消者宜用理中湯五有濕熱之毒熏蒸清道上致胃口開塞而為
噤口者宜用人參黃連石蓮子有痢久胃氣虛弱不能乳食而為噤口者宜用理中湯五或六
君子湯九有積毒之氣上冲而嘔惡者宜用人參敗毒湯二九有胃氣虛寒而嘔惡者宜用附
子理中湯五有痢後脾虛不能制水而遍身浮腫者宜用六君子湯八九外加蒼朮厚朴猪苓
澤瀉黃連芍藥有痢久脫肛者經曰肺氣虛寒由脾虛而金無所養故大腸虛脫而下陷也宜
補脾溫胃用固腸飲六五有積盡而痢久不愈乃脾氣下陷宜用補中益氣湯二七或四君子
三士若初起宜用薑六八三有夾暑熱而痢下赤白相兼者宜用清暑益氣湯茶枝加香茹
飲五五 余長男之日五歲時與幼甥同患痢疾男素脾弱痢起腹並不痛痢下純膿白色
中帶藍色口氣微冷不用通利即以六君子湯服之甥痢純紅遍身有風疹用四順清涼飲加
防風柴胡兩藥各器用爐煎煨妹換以男藥與甥服之風疹即隱氣喘促嘔斲余急以大保赤
微湯與服疹復出喘止仍用前湯數劑愈此可見脾虛之極不必清利硬用補劑熱痢宜清不
可用補之一驗也

一辨瘧疾

瘧疾皆由胃感風寒暑濕而發丹溪有曰若無汗要有汗

以散邪為主若有汗要止汗以扶正氣為先此千古不磨之至論也發時有寒有熱一寒一熱
身重骨節痠痛自汗夕嘔者濕瘧也由汗出脫衣衝冒風寒或渴極過飲冷水或冷水浴身所
致有食瘧者食所傷由飲食過度傷滯所致俱用柴胡前胡青皮陳皮蒼朮白朮白茯苓甘草猪

芩澤瀉知母貝母厚朴半夏黃柏等分姜棗引服一劑以清之於發瘧日之五鼓空心以前方
加恒山樛榔草菓仁等分煎服以截之即愈如久瘧不止致中氣弱名曰脾寒用四獸飲一二
加姜棗服五六劑自愈 夏禹鑄曰有陰虛似瘧竟作瘧治者這般人却沒有一毫心竅一
線想頭夫謂之曰似則兩症相去原是星淵即曰似瘧亦祇似其瘧之脾寒試問譜天下人可
有瘧一起而就成脾寒者是必始於清之無法繼又截之無方或從不服藥相延日久纔到脾
寒之症明明有這一條來路若一見每日下午身有潮熱冷狀颼颼便作瘧治獨不想到瘧有
來路況脾瘧由重減輕陰虛由輕加重兩症判然竟不知別此一種心竅試取黑漆皮燈籠與
之相況當耶不 陰虛似瘧如潮熱稍重於作寒治用四物湯四土加人參如心脾肝有熱雖
湯內已有熟地再加生地如作寒稍重於潮熱四物湯外加黃芪人參甘草等分參減半如
潮熱作寒俱輕只用四物湯不須外加女患此加紅花二三分

一辨咳嗽

夏禹鑄曰前書只說風寒暑濕燥火六淫之邪氣侵肺皆令人嗽

又曰五臟六腑皆有嗽非獨在肺此僅言咳嗽之大綱卒未透發六淫侵肺之顏色與臟腑俱
嗽之分別余憶其故必從大方脉書上採來為照脉論症故不說到六淫侵肺的顏色亦未分
疏臟腑致嗽的根由即言一二形症俱屬模糊余把六淫侵肺臟腑皆嗽這八個字上一一體
出形色歷藥不莠若風寒濕三邪侵肺其候面白而畏風燒熱而無汗或頭疼或鼻流清涕唇
色晦闇淡白色或滑而易出小便清長便知為風寒與濕氣所侵宜用疏風順氣湯七二或

清肺飲二七去白朮加防風便愈 火侵肺嗽與火炎無制相何方見後若燥侵肺嗽其候頭面汗出寒熱往來皮膚乾燥皮瘡搔癢大便閉結涕唾稠粘治宜潤燥清金之劑用麥冬貝母冬花黃芩防風麻仁甘草赤芍陳皮暑氣侵肺而嗽其候口渴唇淡治宜香如厚朴扁豆加冬花麥冬致於臟腑皆嗽之說殊屬大概余着實窮究六淫之外嗽又有五一順傳一逆尅一反侮一隔經傳染一水火不相交濟 順傳之嗽在脾脾不能生子金無土養故而嗽漢武帝時鐘自鳴東方朔曰土其母也母喪則子鳴山必有崩者久之蜀郡守泰山崩以此悟之脾虛肺嗽乃一定之理其候唇口慘白氣弱神疲小便清短大便或溏瀉淡淡白色便知脾嗽治用六君子湯便愈 逆尅之嗽在心心火盛則金被火傷而嗽試觀治人燥金火烈而金躍息火則金安常閻徐無猜地理闡宗書有曰如金星結穴火星作朝此外火尅內不為吉穴湏兩傍有水星山現則制火以救金始為吉因此悟火尅金漢亦一定之理其候舌紅唇燥小便赤澀口氣蒸手便知心火尅金法為瀉心用貝母陳皮甘草黃連木通杏仁麥冬五味等分燈心引煎服三四劑自愈 反侮之嗽在肝肝有制伏肝始不旺如肺弱木強侮金則肺乃被侮而嗽星士家書云我尅者為妻財乃知肝猶肺之妻也彼河東獅吼必因夫主柔弱便恃強侮夫肝侮肺嗽又一定之理其候目勇口苦宜用白芍柴胡冬花五味枳殼半夏甘草等分煎服五劑自愈 水火不相交濟之嗽由腎水不能上升則火炎無制乃土刑肺金而嗽猶之易之未濟離火居上坎水居下水不得火而無功火不得水而功亦無所施水火不相交故不各得其刑

若既濟則為有用矣况五行惟火最烈故昔有慾火無制口中吐出袂廟俱焚者由此觀之豈止嗽耶其症涕唾帶血甚至血溢治用滋陰降火湯四五三五劑自愈屢治屢效案難悉載隔經傳染之嗽在胃胃有熱因染平肺而嗽肺胃各經視傳不到逆尅不及又不相侮胡為亦嗽乃由胃肺逼隣胃司食入肺司氣出出入雖不同途却其呼吸門戶胃熱熏蒸波及肺竅所謂失火殃魚亡猿災木者是也其候唇紅口紅作渴氣出大熱治用石膏冬花麻仁五味甘草以上諸嗽如喘加麥冬天冬如咳有聲無痰加杏仁防風有聲有痰加半夏枳壳余於本經咳嗽外復將此五種旁引曲喻無非為嗽雖出自肺家而却有隔經之咳理實難明故不惜多方以譬明府幸毋以卮言罪我江平世業醫道地距四十餘里一孫咳嗽自藥不應以形色札白之余併來藥單乃瀉肺之味據白面舌唇口皆紅小便赤色余札復示以瀉心之劑後聞三劑愈此心火刑金瀉心救肺之一驗也一痘後痘有專科痘中症候不載惟於痘後至緊要症附傳數方一泄瀉唇口淡白瘡靨平白小便清宜用六君子湯一痘中眼内生翳子宜用兔糞焙之為末每服三四錢白水送下服至升餘即散一痘後瘡靨或紅腫紫腫黑腫急宜解毒用生地連翹歸尾甘草赤芍等服三四劑毒自然解散矣郡城孝廉危東原兩媛痘後一愆期不收一收後痘靨平白俱有微熱邀余過治見唇口慘白氣出微微并用十全大補湯服二劑熱除靨脫俱轉紅潤隨以保元湯稍七調服之愈此望色審竅知血氣而虛之一驗也

一辨諸血

肺朝首脉之氣

肝統諸經之血蓋榮血者水穀之精氣也脾胃有傷榮衛虛弱故

血失常道而忘行

若氣虛氣弱神疲唇有血色者治法宜用四君子湯三士血虛者精神照

原唇舌無色治用四物湯四士加參朮

薑朮見血為近血用黃湯解毒湯平七薑後見血為遠

血用清胃湯四二久不止者用補中益氣湯三七加胡黃連

吐血者胃中積熱宜麥門冬飲

四二或清胃湯四

衄血者脾熱傳肺而肺不能統血從鼻出宜六君子湯元加桔梗當歸梔

仁黃芩

咯血者腎虛也咯如牝鷄喚乳鷄聲嬰兒無此症有咳嗽而吐血者庸醫多以童

子癆治之悞矣此乃腎水心火不相升降火炎無制治宜滋陰降火湯四五

夏禹鑄曰諸

般失血有面色可審俱屬尋常惟血脫嗽血二種症不多見附錄效案以憑較証余友陳公載

姪女七歲血吐數升身冷如冰通身筋現青色平常損跌之處青色更盛唇口慘白口氣微冷

此乃虛氣血脫初大方脉作肺熱迫血妄行用梔仁黃芩等味吐愈甚此固照理用劑却不知

看色之妙後余用人參黃芪肉桂麥冬甘草白茯苓二劑而愈此氣虛脫血望形審竅之一驗也

咳嗽帶血方見咳嗽類用滋陰降火湯四五屢用屢效症無疑二故不附案

一辨中暑中熱

夏禹鑄曰前輩云動而得之為中熱靜而得之為中暑此事甚是然中暑與

中熱病形無異中暑作渴中熱亦作渴中熱說說話中暑亦說說話若不細審形色雖得動靜

二字究何益也如探中暑說說話乃低聲平上而說中熱發狂雄壯商說此猶恐不得甚真只

於口中一看舌色慘白唇無血色口氣微弱面冷便是中暑宜用清暑益氣湯六八立愈若是

唇舌皆紅氣出如焚小便赤澁定是心經中熱宜用木通薄荷煎熱再以犀角磨水一杯羚羊角磨水半杯入煎藥和服即解 乙亥歲余從伯一孫方四歲患病初伯與先君交惡已久伯

母呼余往治舉至阻撓且畏之曰彼孫一死禍來匪輕余曰具有兩眼不煩過慮視之口熱微

微面色慘極唇舌白淡口道誕話知為中暑用清暑益氣湯一服愈 穿由郡犀方紹文僅一

子乃余壻十七歲抱疾以余只知幼科延兩方脉共治見口說誕話便作熱治用畫犀角連翹

芩膏涼劑疾益加甚急聞於余余往見直卧如戶口氣冰冷唇舌皆白乃中暑之症悞作中熱

大可怪也用清暑益氣湯一服立愈此大方脉切脉不如小兒科望色辨竅為妙之一証也

一辨夜啼 夜啼有六一面深紅多淚無燈則啼稍息見燈則啼愈甚此心熱也遇火兩陽

相搏故見燈而啼甚也其候手腹必熱小便亦推用水底撈月引水上天河退下六腑及運八

卦推坎入艮藥用導赤散三加梔仁薄荷天麻 一哭多睡少天明則已面色青白便亦青白

治宜溫下焦用條急方七四 一為異物所侵目有所視口不能言但睡中驚悸抱母大哭面

色紫黑治宜陳皮生薑茯神遠志甘草服此仍啼當審其果不犯諸夜啼等症可將雜色紙作

一異物之狀令兒一見即對兒以火焚之使兒疑頓然釋念自不啼矣 一有脾胃兩虛吐瀉

小食而啼者治宜用六君子湯加炮姜木香 一有心血不足而啼者以手按其腹即不啼

起手又啼此候面必青手冷口不吃乳治用當歸芍藥人參甘草桔梗桔皮等分服之外此而

啼者必非病也或夜醒時為戲燈所慣無燈而啼者有之或乳母缺乳而啼者有之

一辨疳疾 疳者乾而瘦也此由寒熱失理飲食不節或因吐久瀉久痢久瘧久熱久汗久咳久瘡久以致脾胃虧損亡失津液而成也 心疳者面黃類赤小便赤澀口舌生瘡煩渴治宜寧心丸五士肝疳者肌肉削瘦目胞赤腫翳生淚多白膜遮睛瀉多青色治宜用疳肝丸五胆疳者瘦腹大或吃土吃米吃茶宜用調脾湯干三脾疳潮濕熱喘嗽鼻淵流涎宜先用清肺湯七二次用化愚丸三五 疳腫者乃由疳久脾衰不能制水故而頭面四肢發腫脹甚者褐子丸五三如大喘者不治 丁奚腹大項細哺露翻食吐蛔宜用蘆薈丸干五 一赤遊丹火 此候由內有積熱熏蒸外被風熱所感搏於血氣皮膚赤腫色如火灼或旺頭上或發肢體却非輕症入腹入腎亦能殺人宜速治之用升麻黃芩連翹各一錢大黃朴硝各二錢同煎服四五劑自愈 余之同袍胡道生子孫頭患丹火接余治用前方服二劑不退又飭价來請余即以書復曰此症非輕非一二服可愈望重用各味五六劑定然見效後如數服愈前歲余宗人有一女患此症余囑曰此重症也不可急緩不聽果死 一淋症 有沙淋者腎水為熱所結化為沙石內塞水道沙出痛止治用五淋散四六氣淋者小腹脹痛似滿小便澀滯而痛用瀉白散二九血淋者心熱血最者用五淋散四六加小蓴滑石車前子寒淋者膀胱冷氣與正氣交爭寒戰而後溺治用六味地黃丸干四加附子肉桂有心熱者用清心蓮子飲五六腎熱者用六味地黃丸干四肝熱者用柴胡梔子飲六四脾熱者用蓮黃散二八脾虛者用小異攻散干六肺熱者用瀉白散三九肺虛熱者治用小異攻散干六加炒山梔

以上心熱等症七種淋症辨法在辨脾心肺肝腎之款內求之自明矣

便濁 尿口如米泔水久則成疳用人參甘草當歸木通猪苓赤芍赤茯苓皮川華蘼治之

大便不通 脉與大腸有熱熱則津液少而使閉治用四順清涼飲二八血虛燥滯不通者

治用四物湯四士加柏子仁松子仁胡桃仁等分服之 同邑紳徐梅宣公即痘後四十日患

大便閉有七日他友以承氣湯單授之余舅氏時在徐宅力薦請余視之曰血虛之極幸未通

利通則不可藥矣梅宣拍案叫絕曰一望即知神何至此前庸手幾敗乃事此望色審數知非

肺熱之一驗也 小便不通 小便不通由肺燥不能生水當清肺中之熱而滋腎火之源

治宜用黃芩黃連天花粉知母麥冬茯苓木通甘草等分服之 若脾濕氣不上升當健脾生

金先用瀉黃散三八隨用六君子湯九若膀胱有熱澀滯其流治用五苓散廿八 出汗

盜汗者寢中通身如浴覺來方知屬陰虛榮血之所主也治宜四物湯四士加黃芪浮小麥黃

煎服有自汗者不時而出動則乃息屬陽虛衛氣之所司也治宜補中益氣湯二七加麻黃根

浮小麥麥門冬煎服有脾虛泄瀉者自汗而汗出有時此症大虛治宜六君子湯九或附子理

中湯五苓散引煎服 黃疸 黃疸其候色黃屬胆益小兒由飲食所傷兼之濕熱之氣蘊

積脾胃故成此症面目指爪小便遍身皆黃疸症無疑治用地黃茵陳湯七 辨腫脹 凡

腫脹之症有二一曰氣腫先腫而後喘由脾胃虛弱脾主肌肉肺主皮膚土弱不能生金虛氣

上攻乎肺行於面目遍身浮腫也治宜調肺行氣為主用五子五皮湯二七等分煎服輕則六